



09972 ✓

顏魯公文集卷九

唐顏真卿著

涇縣潘錫恩校

晉紫虛元君領上真司命南嶽夫人魏夫人仙壇碑銘

夫人諱華存字賢安任城人晉司徒劇陽文康公舒之女也師于小有清虛真人王褒哀命中候上仙范邈爲立傳其略云夫人挺瓊蘭之流映體自然之靈璞志逸雲霞明潔鮮蔚天才卓異元標幽拔少讀老莊三傳五經百子無不該覽性樂神仙味真慕道少服胡麻散茯苓丸吐納氣液攝生夷靜親戚往來一無闕見常欲別居閒處父母不許年二十四強適太保掾南陽劉君幼彥生二子璞遐幼彥後爲修武令夫人心期幽靈精誠苦盡逮子息麤立乃離隔室宇齋于別寢清修百日忽有太極真人安度明東華大神方諸青童扶桑碧河湯谷神王景林真人小有仙王清虛真人輩正氣集卷三十四

卷三十四

一

王褒來降哀謂夫人曰聞子密緯真氣太帝君救我授子神真之道青童曰清虛爾之師也度明曰子苦心求道道今來矣景林曰虛皇鑒爾勤感太極已注子於玉札子其勗哉青童又曰子不受聞上道內法晨景玉經者仙道無緣得成也後日當會洛陽山中爾勤密之矣三君乃命侍女開玉笈出太上寶文八素隱身大洞冥經高仙羽元等書三十一卷手授夫人焉此皆王君昔遇南極夫人西城真人王方平於陽洛山所受之本經也山中有洞臺是清虛之別宮王君至是北向祝誓於夫人曰太上三元九皇高真虛微八道玉清玉泉哀爲太帝所敕于魏華存又說太極白簡青錄金刻玉文有得見此三十一卷書者之姓名也凡此寶書起白清虛真人受大師西城王君紫元夫人從是當七人得之以白玉爲簡青玉爲字至是夫人爲四矣於是景林又授夫人黃庭內景

經令晝夜誦讀萬遍得乃洞觀鬼神此乃不死之道也於是四真吟唱各命玉女彈琴擊鐘吹簫合節而發歌歌畢王君乃解語夫人向所授書存思指歸竇經節度行事口訣諸要麤訖徐乃別去凡二夕一日共會在曲靜之中自此之後王君及西城真人諸元君夫人互有來往或與隔壁共庭初不駭悟已而幼彥以暴疾殞世值天下荒亂夫人撫養內外傍救窮乏超羣先覺乃攜細小徑來東南及兒息各大並處官位至于守靜之思與日而進也凡在世八十三年以成帝咸和九年歲在甲午王君乃與東華青童來降與夫人靈藥兩劑使頓服之尅期會于陽洛宮夫人服藥稱疾閉目寢息飲而不食七日夜半太一元仙遺輿車來迎夫人用藏景之法託形神劍化成死骸始終外朗仙化內逸冥變隱適從此而絕子璞時爲庾司空司馬遐時爲陶太尉從事中郎安城太守

乾坤正氣集

卷三十四

二

故夫人自此隱化淪景須臾至陽洛山明日青童君太極四真人清虛王君三天法師張道陵等凡四十七真人降教夫人於隱元之臺王君令夫人清齋五百日讀大洞真經并分別登真祕奧道陵授以新出明威章奏入靜存祝吏兵符籙之訣衆真各標至訓三日而去道教所以備教委曲者以夫人在世爲女官祭酒領職理故也夫人遂修齋讀經誦言萬過積十六年顏如少女於是龜山九靈太真西王母金闕聖君南極元君乃共來迎夫人遂白日升晨北詣上清宮玉闕之下太微天帝中央王老君三素高元君太上玉晨大道君太素三元君扶桑大帝君金闕後聖君各令使者致命授夫人玉札金文位爲紫虛元君領上真司命南嶽夫人比秩仙公使治天台大霍山洞臺之中主下訓奉道教授當真仙者而男之高仙曰真人女曰元君於是夫人受錫事畢王母及金

闕聖君南極元君各去使夫人於王屋小有之中更齋戒三日畢
九微元君龜山王母三元夫人馮雙禮珠泉諸衆仙並降夫人於
小有清虛上宮絳房之中時夫人與王君爲賓主焉神肴羅陳金
觴四奏各命侍女陳曲成之鈞九雲合節八音零粲於是西王母
擊節而歌歌畢馮雙禮珠彈雲璈而各歌餘真人各歌須臾司命
神仙請隸屬及南嶽神靈迎官並至虎旂龍輦激曜數百里中西
王母諸真乃共與夫人東南行俱詣天台霍山臺又便道過句曲
金壇茅叔申宴會二日二夕又共適于霍山夫人安駕玉宇然後
各別初王君告夫人曰學者當去疾除病因授甘草丸所謂穀仙
方也夫人服之而仙夫人能隸書爲王君立傳事甚詳悉又述書
精飣飯法黃庭內景經自後屢降茅山子璞後至侍中蒙使傳法
于司徒瑯琊王舍人楊羲護軍長史許穆穆子玉斧並昇仙事具

乾坤正氣集

卷三十四

三

陶宏景真誥所呼南真卽夫人也初夫人旣渡江徧遊名山至臨
川郡臨汝水西立壇置精舍院東百餘步造冢壙又於石井山建
立壇場往來遊憩歲月深久榛蕪滃鬱雖備載圖經而略無遺跡
有唐女道士黃令微道行高遠八十而有少容蹠屣而行奔馬不
及時人見其顏色殊異號曰花姑聞夫人靈迹長壽二年歲在壬
辰冬十月乃訊于洪州西山道士胡超超能通神明遙指郭南六
里烏龜原有石龜每犯田苗被人擊首折其處是也姑與道流尋
訪見龜在壇中央其下得尊像油囊鋸刀燈盞之類俄夢夫人指
九曲池於壇南獲之磚砌猶在景雲中睿宗使道士葉善信將繡
像幡花來修法事仍於壇西置洞靈觀度女道士七人開元初元
宗使醮祭祈禱不絕每有風雨或聞簫管之聲入室禮謁必須嚴
潔不爾必有虵虎驚吼之異時時有雲如烏鳥羣飛垂帶直下壇

上條忽不見西出如向井山前後非一已而花姑盼蠻間如有告者曰井山古跡汝須崇建俄聞異香從西來姑行宿洞口聞鐘磬之音遲明入山果遇壇殿餘趾遂建立屋宇屢聞仙梵之響環壇數里有採斫及不精潔者必有怪異之警有野象中箭來投花姑姑爲拔之後每齋前則銜蓮藕以獻姑開元九年姑欲上升告弟子曰勿釘吾棺可以絳紗罽之已而雷震震擊紗上有孔大如雞卵棺中唯有被覆木簡屋上穿可容人座前奠瓜數日生蔓結實如桃者二每至忌辰則風雨鬱勃直入室內元宗聞而駭之覆視明白使道士蔡偉編入後仙傳二十九年春三月乙酉使道士齋龍壁來醮忽有白鹿自壇東出至冢間而滅五色仙蛾集壇上刺史范陽張景佚以爲聖德感應立碑頌述天寶八載以夫人得道升仙之所度女道士二人見修香火大曆三年真卿叨刺是州言

乾坤正氣集

卷三十四

四

崇禮謁郊郭蒙遂萑蒲震驚女弱曹逃豺狼窟聚真儀如在壇殿巋然瞻仰裴衷悄焉若失有仙壇觀道士譚仙巖者修真自遠法侶是宗請以男官黃道士二七人抽隸洞靈共申灑掃高行女道士黎瓊仙七人萃居壇院精力住持已久率勵往來增修觀宇從之不日遙暨厥成仙迹之載崇師之力也敢備其本末而爲頌云
銘曰紫虛元君維魏夫人位列五嶽名高七真凝華台允奪志劉嬪大帝昭懇清虛降神羣仙畢會玉笈斯陳服道日損精心益勤蛻形神劍託馭鸞輪適抵陽洛遄登隱元黃庭朗詠白日升晨西降王母東過叔申傳法侍中許楊或作陽非爲鄰伊昔南渡爰居汝濱壇場處所埋沒荒榛實賴花姑諭于胡尊果獲靈迹烏龜之原次尋井山實叶曩言嫣然簡解紗罽空存野象銜藕靈瓜吐根恠異昭彰不可殫論二聖竦駭屢崇明禋于嗟女弱香火堙淪真卿刺

州謁拜思頻乃命仙子增修鼎新花姑侍傍異代同塵曷表元德
銘功翠珉垂諸來裔垓圮無垠

撫州臨川縣井山華姑仙壇碑銘

華姑者姓黃氏諱令微撫州臨川人也少乃好道風神卓異天然
絕粒年十二度爲天寶觀女道士年八十髮白面紅如處子狀時
人謂之華姑蹠屣而行奔馬不及聞魏夫人仙壇在州郭之南草
木榛翳結廬求之不得長壽二年歲在壬辰冬十月壬申朔訪于
洪州西山胡天師天師名超能使鬼神見其懇切遙指姑所居
南二百步曰烏龜原中有石龜每蹂踐田苗百姓患之乃擊斷其
首卽其處也明日與姑登山顧望西面有池水焉師卽謂姑曰池
中有所見乎曰無師遂舉左手令姑自腋下觀之四仙浴焉師曰
爾有道分必當得之因畱與語數日虔誠尋訪遂獲石龜於壇中

乾坤正氣集

卷三十四

五

央掘其下得尊像及刀鋸各一油甕五口燈盞數十箇天后聞之
盡收入內姑嘗於旦夕精思想象之間忽有告曰壇南有九曲池
汝可開之姑從而獲焉磚砌盡在他日有異香綵雲從西南而來
其夕夢有人謂姑曰井山道場何不修葺姑未及往忽然感疾姑
曰得非違尊教所致乎翌日病愈又聞異香而宿于谷口聞鐘聲
遲明入山果獲壇殿池砌北半峯有自然石井深可三尺闊丈餘
故名井山天欲雨則雲霧先起姑旣建置精舍時聞仙梵之音環
壇五七里間莫敢樵採姑遂灑掃修葺極其力焉人或不潔不誠
必遭蛇虎怪異之警迷不能出矣至今猶然有野象爲獵人所射
來姑前姑爲拔箭其後每至齋時卽銜蓮藕以獻姑前開元九年欲
上昇之際忽謂弟子曰不須釘吾棺可以絳紗罽之數夕有雷震
繞視紗頂孔如雞卵屋穿容人棺中唯覆木簡而已弟子奠瓜

數日生蔓長數尺結實二顆其大如桃姑同學弟子黎瓊仙恒服
茯苓胡麻絕粒四十餘秋年八十齒髮不衰六七歲時親覩其事
每至忌辰卽風雲翳鬱直入室內村墅路人往往見綵雲白鶴飛
入洞口清齋行道時每有一朱鬃白馬在壇側逼之則奔而出外
捨之則隨而復來靈異昭彰不可談悉仙巖史元同左通元等每
至三元恒修齋醮大厯三年眞卿獲刺是州明年春三月山下有
女道士曾妙行夢一女師令上層華樹層層掇餐及悟猶飽因是
不食嘗於觀中見黎瓊仙跪而拜曰夢中所見乃尊師也因請依
之于今覺韶顏潤澤虔修香火於此山遐邇駭慕焉於平昔麻姑
得道於名山南眞昇仙於龜原華姑鶴翥於茲嶺瓊仙妙行接踵
而出非夫天地所贊從古以然則何以仙氣氤氳若斯者矣眞卿
幸因述職親覩厥猷若默而不言則來者奚述乃爲銘曰綽綽華
乾坤正氣集

卷三十四

六

姑眞仙品徒芳蓮比色逸駿爭驅南郭從魏西山訪胡腋窺仙浴
原獲龜烏靈迹旣儼曲池猶汙鼎新廟貌煥發規模名曰井山終
焉不逾象來藕獻馬見鬚朱簡解空存紗穿上徂奠瓜吐實謁室
雲趨妙行精持高眞是俞勒銘翠炎永播元都

浪跡先生元眞子張志和碑銘

士有牢籠太虛撒掖元造擺元氣而詞鋒首出軌無間而理窟肌
分者其唯元眞子乎元眞子姓張氏本名龜齡東陽金華人父遊
朝清眞好道著南華象罔說十卷又著冲虛曰馬非馬證八卷代
莫知之母雷氏夢楓生腹上因而誕焉年十六遊太學以明經擢
第獻策肅宗深蒙賞重令翰林待詔授左金吾衛錄事參軍仍改
名志和字子同尋復貶南浦尉經量移不願之任得還本貫旣而
親喪無復宦情遂扁舟垂綸浮三江泛五湖自謂煙波釣徒著十

二卷凡三萬言號元真子遂以稱焉客或以其文論道縱橫謂之造化鼓吹京兆韋諳爲作內解元真又述太易十五卷凡二百六十有五卦以有無爲宗觀者以爲碧虛金骨兄浦陽尉鶴齡亦有文學恐元真浪迹不還乃於會稽東郭買地結茅齋以居之閉竹門十年不出吏人嘗呼爲掬河夫執畚就役曾無忤色又欲以大布爲褐裘服徐氏聞之手爲織纊一製十年方暑不解所居草堂椽柱皮節皆存而無斤斧之跡文士效柏梁體作歌者十餘人浙江東觀察使御史大夫陳公少遊聞而謁之坐必終日因表其所居曰元真坊又以門巷湫隘出錢買地以立閤閤旌曰迴軒巷仍命評事劉太真爲敘因賦柏梁之什文士詩以美之者十五人既門隔流水十年無橋陳公遂爲剏造行者謂之大夫橋遂作告大夫橋文以謝之常以豹皮爲屐駉皮爲屨隱素木几酌斑螺杯鳴

乾坤正氣集

卷三十四

七

榔杖拏隨意取適垂釣去餌不在得魚肅宗嘗錫奴婢各一元真配爲夫婦名夫曰漁僮妻曰樵青人問其故曰魚僮使捧釣收綸蘆中鼓柁樵青使蘇蘭薪桂竹裏煎茶竟陵子陸羽校書郎裴修嘗詰問有何人往來答曰太虛作室而共居夜月爲燈以同照與四海諸公未嘗離別有何往來性好畫山水皆因酒酣乘興擊鼓吹笛或閉目或背面舞筆飛墨應節而成大厯九年秋八月訊真卿于湖州前御史李巽以縑帳請焉俄揮灑橫拂音布而纖纈霏拂亂槍而攢毫雷馳須臾之間千變萬化蓬壺髣髴而隱見天水微茫而昭合觀者如堵轟然愕眙在坐六十餘人元真命各言爵里紀年名字第行於其下作兩句題目命酒以蕉葉書之援翰立成潛皆屬對舉席駭歎竟陵子因命畫工圖而次焉真卿以舴艋旣弊請命更之答曰儻惠漁舟願以爲浮家泛宅浴沂江湖之上往來

若雪之間野夫之幸矣其詆諧辯捷皆此類也然立性孤峻不可得而親疎率誠澹然人莫窺其喜愠視軒裳如草芥屏嗜欲若泥沙希跡乎大丈夫同符乎古作者莫可測也忽焉去我思德茲深曷以寘懷寄諸他山之石銘曰逸元真超隱淪齊得喪甘賤貧泛湖海同光塵宅漁舟垂釣綸輔明主斯若人豈煙波終此身

茅山元靖先生廣陵李君碑銘

先生姓李氏諱含光廣陵江都人本姓宏以孝敬皇帝廟諱改焉二十一代祖宏江夏太守避王莽徙居晉陵遂爲郡人高祖文憲陳桂陽王國侍郎曾祖榮皇朝雷州司馬祖師龕隱居以求其志徙于江都父孝感博學好古雅修彭聃之道與天台司馬鍊師子微爲方外之交尤以篤慎著于州里考行議諡曰正隱先生母瑯琊王氏賢明有德行先生孩提則有殊異晬日獨取孝經如捧讀

乾坤正氣集

卷三十四

八

焉羈艸好靜處誦習墳典年十八志求道妙遂師事同邑李先生遊藝數年神龍初以清行度爲道士居龍興觀尤精老莊周易之深趣執喪過哀口不嘗甘旨之味食唯礪麥而已封植膳羞皆出其手號毀骨立親族莫不傷之開元十七年從司馬鍊師於王屋山傳授大法靈文金記一覽無遺綜核古今該明奧旨元宗知先生徧得子微之道乃詔先生居王屋山陽臺觀以繼之歲餘請居茅山纂修經法頻徵皆謝病不出天寶四載冬乃命中官齋醮書徵之既至延入禁中每欲諮稟必先齋沐他日請傳道法先生辭以足疾不任科儀者數焉元宗知不可強而止先生嘗以茅山靈跡翦焉將墜真經秘籙亦多散落請歸修葺乃特詔於楊許舊居紫陽以宅之仍賜絹二百疋法衣雨副香爐一具御製詩及序以餞之又禁於山側採捕漁獵食葷血者不得輒入公私祈禱咸絕

性牢先生以六載秋到山是歲詔書三至渥澤頻繁暉映崖谷初
山中有上清真人許長史楊君陶隱居自寫經法歷代傳寶時遭
喪亂散逸無遺先生奉詔搜求悉備其跡而進上之先時元宗將
求大法請先生爲師先生竟執謙冲辭疾而退臬七載春元宗又
欲受三洞真經以其年春之三月中官齋璽書云其月十八日尅
授經語是日於大同殿潔修其事遂遙請先生爲元師并賜衣一
襲以伸師資之禮因以元靖爲先生之嘉號焉仍詔刻石於華陽
洞宮以誌之是歲夏五月隱居先生合丹之所有芝草八十一莖
散生於松石之間詔俾先生與中官啟告靈仙緘封表進夏又詔
以紫陽觀側近二百戶太平崇元兩觀各一百戶並蠲其官徭以
供香火秋七月又徵先生旣至請居道觀以養疾九載春辭歸舊
山其年夏六月前生靈芝之所又產三百餘莖煌煌秀異人所莫

乾坤正氣集

卷三十四

九

觀先生又圖而奏之是歲冬又徵先生於紫陽別院館之十載秋
先生又懇辭告老御製序詩以餞之十有一載先生奉詔與門人
韋景昭等於紫陽之東鬱岡山別建齋院立心誠肅是夜仙壇林
間遍生甘露因以上聞特詔嘉異初隱居先生以三洞真法傳昇
元先生昇元付體元先生體元付正一先生正一付先生自先生
距於隱居凡五葉矣皆總集妙門大正眞法所以茅山爲天下道
學之所宗矣於戲是非可齊也我物均焉生死可忘也覺夢同焉
如此者何域心於變化之際哉先生以大厯己酉歲冬十一月十
有四日遁化於茅山紫陽之別院春秋八十有七其年十二月八
日門人赴喪而至者凡數千人號奉冠舄遷窆于雷平山之西陲
遺命以松棺竹杖木几水瓶香奩香爐置於藏內門弟子等仰奉
嘉猷克遵儉德先生識思眞淳業行高古道窮情性之本學冠天

人之際所以優游句曲鬱爲王者之師出入明庭特寵肩輿之貴是知順風而問昔稱於黃帝望山而請今見於元宗矣又博覽羣言長於著撰嘗以本草之書精明藥物事關性命難用因循著音義兩卷又以老莊周易爲潔靜之書著學記義略各三篇內學記二篇以續仙家之遺事皆名實無違詞旨該博初先生幼年頗工篆籀而隸書尤妙或賞之云賢於其父因投筆不書元宗詔山人王岐強請先生楷書上經一十三紙以補楊許之闕先生能於陰陽數術之道而不以藝業爲能極於轉鍊服食之事而不以壽養爲極但冥懷素朴妙味元津非夫博大之至人孰能盡於此真卿乾元二年以昇州刺史充浙江西節度欽承至德結慕元微遂專使致書於茅山以抒誠懇先生特令韋鍊師景昭復書於真卿恩眷綢繆足勵超然之志然宗師可仰望紫府而非遙王事不違寄

乾坤正氣集

卷三十四

十

白雲而悠遠泉大厯六年真卿罷刺臨川旋舟建業將宅心小嶺長底高蹤而轉刺吳興事乖夙願表裏郡邑空懷尊道之心瞻望林巒承負借山之記而景昭泉郭闔等以先生茂烈芳猷願銘金石乃邀道士劉明素來託斯文真卿與先生門人中林子殷淑遺名子韋渠牟嘗接采真之遊緒聞舍一之德敢強名於巷黨曷足辨於鴻蒙其詞曰抱一混茫人之紀綱先生以之氣王神強乃啟元旨元門以彰乃爲帝師帝道惟康甘露呈瑞靈芝効祥上土云感高風再揚鶴返仙廟雲辭帝鄉退歸而老妙識行藏德本無累道心有常實曰形解孰云坐忘伐石表墓勒銘傳芳谷變陵遷厥跡彌光

顏魯公文集卷十

唐顏真卿著

涇縣潘錫恩校

曹州司法參軍祕書省麗正殿二學士殷君墓碣銘

善父母之謂孝睦昆友之謂悌孝悌也者其仁之本歟經天緯地之謂文博古知今之謂學文學也者其德之蘊歟誰其兼之卽我伯舅殷君其人矣君諱踐猷字伯起陳郡長平人五代祖不害集

作非

唐太子中書舍人宏文館學士祖令言校書郎淄川令父子敬太

常博士吳令累葉皆以德行名義儒學翰墨聞於前朝君卽吳縣之元子幼而聰悟絕倫長而典禮不易年十三日誦左傳二十五紙讀稽聖傳一遍亦誦之博覽羣言尤精史記漢書百家氏族之說至於陰陽數術醫方刑法之流無不該洞焉與賀知章陸象先

乾坤正氣集

卷三十五

一

我伯父元孫韋述友善賀呼君爲總龜以龜千年五聚問無不知也君性方正志業淳深識理清遠人皆望而服之解褐杭州參軍刺史宋璟以相國之重簡貴自居無所推揖每見君必特加禮敬政事之諉誣者皆咨決焉開元初舉文儒異等授祕書省學士尋改曹州司法參軍麗正殿學士與韋述袁暉同修王儉今書七志及羣書四錄流別銓次皆折衷於君璟與蘇頌旣入相每引君詢以當代之務友于兄弟羣從宗黨必盡紓緩之恩長妹蘭陵郡太夫人真卿先妣也中年孀嫠遺孤十人未能自振君悉心訓獎皆究恩意故能長而有立開元九年秋七月九日有叔父臨黃尉子元之喪哀慟嘔血終於京師通化坊之私第夫人蘭陵蕭氏司空瑀之元孫括州司馬宋國公興宗之女賢和齊肅秉修禮度能讀論語周易泛觀史傳率諸婦以和義故閨範修睦焉君之捐館以

清白雷遺家道索然夫人躬甘菲糲勸勉桑穡晏息晨興以率勵
僮僕行之數歲經費羨焉教誨三子攝寅克齊等皆克負荷攝大
斌令克齊高平尉爲真卿河東覆屯軍試判官竝不幸早世寅聰
達有精識能繼先父之業有大名於天下舉宏詞太子校書永安
尉筆殺謾吏貶移澄城丞久疾將歿顧瞻太夫人欲訣不忍其子
監察御史亮年未志學隱而潛盡之及寅卒斬指翦髮寘于棺中
誓事太夫人不敢渝常日及有疾不脫衣帶者數年故白燕巢于
苦楸乾元元年太夫人季女適于邠州司馬陸超板輿隨牒俄而
遭疾三月朔日終于超之官舍春秋八十有一龜筮未從因權殯
于三水亮以校書郎遷壽安尉爲真卿荆南節度推官廣德二年
十有二月與弟今榮陽尉永匍匐徒步力護雙輓合耐君夫人于
新安縣之龍澗原三子塋從理命也嗚呼以君之才之美被服純
乾坤正氣集

卷三十五

二

行加人數等清修素業爲代元龜竟不得贊皇極而叶彝倫登泰
階而儀百辟不其惜矣嗟乎仲尼聖者也終于魯司寇而君官與
之比公明達者也年纔四十八而君壽與之齊豈聖賢之道有遭
遇乎將運命之數有窮通乎茲小子所以獻疑而述報施也大厯
五年夏五月真卿以恩宥刺撫於州探石刻頌丹寄碣於墓左銘
曰殷之後昆奕葉儒門盛烈存兮君能濟美於穆不已明德尊兮
運促道長身歿名揚教義敦兮合耐先窆述遵理命哀順孫兮高
墳崔嵬龍澗之隈映鮮原兮斯焉窆止以望君子慰營魂兮

京兆尹兼中丞杭州刺史劍南東川節度使杜公墓誌銘

九有無虞行師貴於衽席四方取則鈞鉅資乎浩穰誰其有之則
杜公其人矣公諱濟字應物京兆杜陵人皇主客郎中續之曾孫
明堂令知讓之孫贈太子少保惠之第三子姿度韶舉心靈敏達

在家必聞既蘊睦親之志所居則化多種不器之能解褐南鄭主簿州主司馬垂引在使幕轉長社尉隴西法曹皇甫侁江西採訪推官授大理司直攝殿中侍御史賜緋魚袋尋正除殿中厯宰郿渭南成都三縣綿州刺史賜紫金魚袋戶部郎中加朝散大夫廣德中檢校駕部郎中上柱國充嚴武劔南行軍司馬杜鴻漸分蜀爲東西川以公爲副元帥判官知東川節度拜大中大夫綿劔梓遂都防禦使梓州刺史兼中丞時寇盜充斥公示以威信八將之不隕公之力焉尋拜東川節度使俄而移軍復爲遂將都督徵拜給事中開歲拜京兆少尹明日遷京兆尹出爲杭州刺史公務清簡庭落若無吏焉不幸感風疾以大曆十二年歲次丁巳秋七月二日辛亥薨于常州之別館春秋五十有八夫人京兆韋氏太子中舍迪之第三女也沈敏精深高明柔克幹夫人之盡以懋厥家

乾坤正氣集

卷三十五

三

生三子四女而公卽世夫人星言晝哭躬護輓輅與子楊以冬十一月二十有四日壬申歸窆公于萬年縣洪原鄉之少陵原耐先塋也嗚呼以公之志業材力宜其振揮鱗鬪凌厲清浮而命途成山功虧長世吁足恨也眞卿忝居友壻亟接周行痛音徽之永隔感存歿其何已銘曰藹藹禹時維杜公業先臺省政治軍戎乃尹京兆乃麾江東帝方俟理命則不融內子護喪哀哀送終

祭姪季明文

維乾元元年歲次戊戌九月庚午朔三日壬申第十三叔銀青光祿大夫使持節蒲州諸軍事蒲州刺史上輕車都尉丹陽縣開國侯眞卿以清酌庶羞祭于亡姪贈贊善大夫季明之靈惟爾挺生夙標幼德宗廟瑚璉階庭蘭玉每慰人心方期戡穀何圖逆賊間疊稱兵犯順爾父竭誠常山作郡余時受命亦在平原仁兄愛我

俾爾傳言爾既歸止爰開土門土門既開凶威大蹙賊臣不救孤
域圍逼父陷子死巢傾卵覆天不悔禍誰爲荼毒念爾遭殘百身
何贖嗚呼哀哉吾承天澤移牧河東泉明比者再陷常山攜爾首
勦及茲同還撫念摧切震悼心顏方俟遠日及爾幽宅魂而有知
無嗟久客嗚呼哀哉尙饗

乾坤正氣集

卷三十五

四

顏魯公文集卷十一

唐顏真卿著

涇縣潘錫恩校

與李太保帖

不審所苦何如奉計已痊復真卿緣馬病朝迴已乏未遂馳謁謹
勒參候不次謹狀十一日刑部尙書顏真卿狀上李太保大夫公
閣下 千手贊檢未得帖之謹空 拙於生事舉家食粥來已數
月今又罄竭祇益憂煎輒恃深情故令投告惠及少米實濟艱勤
仍恕干煩也真卿狀 陰寒不審太保所苦何如承渴已損深慰
馳仰所檢贊猶未獲望於文書細檢也病妻服藥要少鹿肉脯有
新好者望惠少許幸甚幸甚專馳謁不次謹狀二十九日刑部尙
書顏真卿狀上李太保大夫公閣下謹空

與盧倉曹帖

乾坤正氣集 卷三十六

昨奉辭但增悵仰承已過埭不得重別情深惘然珍重謹此不宣
真卿白二十四日

與蔡明遠帖

蔡明遠鄱陽人真卿昔刺饒州卽嘗趨事及來江右無改厥勤靖
言此心有足嘉者一昨緣受替歸北中止金陵闔門百口幾至餽
口明遠與夏鎮不遠數千里冒涉江湖連舸而來不愆晷刻竟達
命于秦淮之上又隨我于邗溝之東追攀不疲以至邵伯南埭始
終之際良有可稱今旣已事方旋指期斯復江路悠緬風濤浩然
行李之間深宜尙慎不宣真卿報聞鄒游與明遠同來欲至采石
計其不久亦合及吾淮泗之間脫若未到見之宜傳此意遣此不
宣真卿報蔡明遠

與夫人帖

眞卿頓首奉承十四日遷厝承問悲慕不能自勝惟攀慕不及摧毀何堪痛當奈何痛當奈何疑寒惟動靜支適兒子等保侍眞卿離官已久事須十間前至鄭州汴州已來專奉侍一日只擬一驛計過大事後發猶恐遲必望知此緩急勿遲滯足下不來義無獨去之法必請矜此狼狽所望今到汴州水下不愁河凍書祭器等先下船去眞卿十一日且發東京佇望早來早來謹不次眞卿頓首夫人閣下十一月八日問訊頌頡頏蒙郎和奴光嚴深遠憶或至十三日得發

寒食帖

天氣殊未佳汝定成行否寒食只數日間得且住爲佳耳

蔡州帖 題驛舍壁

眞卿奉命來此事期未竟止緣忠勤無有旋意然中心悵悵恨舊集作

乾坤正氣集 卷三十六

二

恨始終不改游于波濤宜得斯報千百年間察眞卿心者見此一事知我是行亦足達於時命耳人心無見時事只天知舊集後二句不載

與郭僕射書

十一月日某謹奉書于右僕射定襄郡王郭公閣下蓋太上有立德其次有立功是之謂不朽抑又聞之端揆者百寮之師長諸侯王者人臣之極地今僕射挺不朽之功業當人臣之極地豈不以才爲世出功冠一時挫思明跋扈之師抗迴紇無厭之請故得身畫凌煙之閣名藏太室之廷吁足畏也然美則美矣而終之始難故曰滿而不溢所以長守富也高而不危所以長守貴也可不懼懼乎書曰爾唯弗矜天下莫與汝爭功爾唯不伐天下莫與汝爭能以齊桓公之盛業片言勤王則九合諸侯一匡天下蔡丘之會微有振矜而叛者九國故曰行百里者半九十里言晚節末路之

難也從古至今泉我高祖太宗已來未有行此而不理廢此而不亂者也前者菩提寺行香僕射指麾宰相與兩省臺省已下常參官並爲一行坐魚開府及僕射率諸軍將爲一行坐若一時從權猶未可何況積習更行之乎一昨以郭令公以父子之軍破犬羊凶逆之衆衆情欣喜恨不頂而戴之是用有興道之會僕射又不悟前失竟率意而指麾不顧班秩之高下不論文武之左右苟以取悅軍容爲心曾不顧百寮之側目亦何異清晝攫金之士哉甚非謂也君子愛人以禮不聞姑息僕射得不深念之乎某竊聞軍容之爲人清修梵行深入佛海汎乎收東京有殄賊之業守陝城有戴天之功朝野之人所共貴仰豈獨有分於僕射哉加以利衰塗割恬然於心固不以一毀加怒一敬加喜尙何半席之座咫尺之地汨其志哉且鄉里上齒宗廟上尊朝廷上位皆有等威以明

乾坤正氣集

卷三十六

三

長幼故得彝倫敘而天下和平也且上自宰相御史大夫兩省五品已上供奉官自爲一行十二衛大將軍次之三師三公令僕少師保傅尙書左右丞侍郎自爲一行九卿三監對之從古以然未嘗參錯至如節度軍將各有本班卿監有卿監之班將軍有將軍之位縱是開府特進並是勳官用蔭卽有高卑會讎合依倫敘豈可裂冠毀冕反易彝倫貴者爲賤所凌尊者爲卑所逼一至於此振古未聞如魚軍容階雖開府官卽監門將軍朝廷列位自有次序但以功績旣高恩澤莫二出入王命衆人不敢爲比不可令居本位須別示有尊崇只可於宰相師保座南橫安一位如御史臺衆尊知雜事御史別置一榻使百寮共得瞻仰不亦可乎聖皇時開府高力士承恩傳宣亦只如此橫座亦不聞別有禮數亦何必令他失位如李輔國倚承恩澤徑居左右僕射及三公之上令天

下疑怪乎古人云益者三友損者三友願僕射與軍容爲直諒之友不願僕射爲軍容佞柔之友又一昨裴僕射誤欲令左右丞勾當尙書當時輒有訓對僕射恃貴張目見尤介衆之中不欲顯過今者興道之會還爾遂非再謁入座尙書欲令便向下座州縣軍城之禮亦恐未然朝廷公讌之宜不應若此今旣若此僕射意只應以爲尙書之與僕射若州佐之與縣令乎若以尙書同於縣令則僕射見尙書令得如州佐事刺史乎益不然矣今旣三廳齊列足明不同刺史且尙書令與僕射同是二品只校上下之階六曹尙書並正三品又非隔品致敬之類尙書之事僕射禮數未敢有失僕射之顧尙書何乃欲同卑吏又據宋書百官志入座同是第三品隋及國家始升作二品高自標致誠則尊崇向下擠排無乃傷甚況再於公堂獨啾常伯當爲令公初到不欲紛披僂俛就命

乾坤正氣集

卷三十六

四

亦非理屈朝廷紀綱須共存立過爾墮壞亦恐及身明天子忽震電含怒責戮彝倫之人則僕射其將何辭以對

補遺

李侍御寫真贊

乾元二年黃州黃陂縣丞口幹兒

前殿中侍御史正議大夫行洛陽縣令隴西李構年三十七

洛陽精堅強項稱賢粉纈圖出風規宛然睟容昭寫卓立神全舉
扳迎揖吾將答焉

華嶽廟題名

皇唐乾元元年歲次戊戌冬十月戊申真卿自蒲州刺史蒙恩除
饒州刺史十有二日辛亥次于華陰與監察御史王延昌大理評
事攝監察御史穆寧評事張澹華陰令劉嵩主簿鄭鎮同謁金天
王之神祠

東林寺題名

唐永泰丙午歲真卿以罪佐吉州夏六月壬戌與殷亮韋栢栢舊集

非尼賈鑑鑑舊集同次于東林寺時則愔熙怡二公惠秀正義二

律師泉揚鵬存焉仰廬阜之鑪峯想遠公之遺烈升神運殿禮倍

伽衣覩生法師塵尾扇謝靈運翻經貝多梵夾忻慕之不足

聊寫刻于李張二公耶舍禪師之碑側

西林寺題名

唐永泰丙午歲真卿以疎拙貶佐吉州夏六月癸亥與殷亮韋栢

尼栢舊集賈鑑鑑舊集楊鵬鵬舊集于西林寺有法真律師深究清淨

毗尼之學卽律祖師志恩之上足余內弟正義之阿闍黎也緬懷

遠現二公之道烈導余躋重閣示余以張僧繇畫盧舍那佛像泉

梁武帝蹙線繡鉢袋因寓題歐陽公所撰永公碑陰

靖居寺題名

乾坤正氣集卷三十六

五

唐永泰二年真卿以罪佐吉州聞青原靖居寺有幽絕之致御史

韓公涉刺史梁公乘嘗見招欲同遊而不果大歷二年十月壬寅

評事韋甫已使將歸乃與別駕李某口清河房澄同官主簿陸涓

甫男七步真卿子姪蔡頤泚頤盱等同宿于下坊明日及僧明則

智清而登禮焉因覩行思天師經始雙泉之靈迹道契律師纂成

口路之祕藏裴衷瞻仰乃援翰而勒于碑陰

題湖州碑陰

太保謝公東晉咸和中以吳興山水清遠求典此郡郡西至長城

縣通水陸今尙稱謝公塘及遷去郡人用懷思刻石記功焉歷代

至皇唐天寶末羣盜起公之碑誌失於所在眷求蕪沒深爲愴然

借舊史遺文敬刊息后公之雅量宏度蓋嗟歎之不足

顏魯公文集卷十一

涇縣潘錫恩校

顏魯公文集卷十二

唐顏真卿著

涇縣潘錫恩校

尚書刑部侍郎贈尚書右僕射孫逖文公集序

古之爲文者所以導達心志發揮性靈本乎詠歌終乎雅頌帝庸
作而君臣動色王澤竭而風化不行政之興衰實繫于此然而文
勝質則繡其鬢悅而血流漂杵質勝文則野於禮樂而木訥不華
歷代相因莫能適中故詩人之賦麗以則詞人之賦麗以淫此其
效也漢魏已還雅道微缺梁陳斯降宮體聿興旣馳騁於末流遂
受嗤於後學是以沈隱侯之論謝康樂也乃云靈均已來此未及
覩盧黃門之序陳拾遺也而云道喪五百歲而得陳君若激昂頽
波雖無害於過正權其中論不亦傷於厚誣何則雅鄭在人理亂
由俗柔間濶上胡爲乎綿古之時正始皇風奚獨乎凡今之代蓋
乾坤正氣集 卷三十七

卷三十七

一

不然矣其或斌彪彪郁郁相宣膺期運以挺生奄寰瀛而首出
者其惟僕射孫公乎公諱逃河南鞏人其先自樂安武水寓于涉
而徙焉父嘉之以詞學登科官至宋州司馬公風裁徵明天才傑
出學窮百氏不好非聖之書文統三變特深稽古之道故逸氣上
躋而高情四達羌索隱乎混元之始表獨立於常均之外不其盛
歟年數歲卽好屬文十五時相國齊公崔日用試土火爐賦公雅
思迢麗援翰立成齊公駭之約以忘年之契爾後遂有大名故其
試言也年未弱冠而三擅甲科吏部侍郎王正試竹籬賦降階約
拜以殊禮待之相國燕公張說覽其策而心醉其序事也則伯樂
川記及諸碑誌皆卓立千古傳於域中其爲詩也必有逸韻佳對
冠絕當時布在人口其詞言也則宰相張九齡欲倚摭疵瑕沈吟
久之不能易一字公之除庶子也苑咸草詔曰西掖掌綸朝推無

對議者以爲知言凡斯夥多庸可悉數故燕國深賞公才俾與張九齡許景先韋述同遊門庭命子均垧施伯仲之禮江夏李邕自陳州入計繕寫其集齋以詣公託知己之分其爲先達所重也如此公文雅有清鑒典考功時精覈進士雖權要不能逼所獎擢者二十七人數年間宏詞判等入甲者一十六人授校書郎者九人其餘咸著名當世已而多至顯官明年典舉亦如之故言第者必稱孫公而已夫然信可謂人文之宗師國風之哲匠者矣公凡所著詩歌賦序策問贊碑誌表疏制誥等不可勝紀遭二朝之亂多有散落子宿絳成等夙奉過庭之訓咸以文章知名同時臺省乃編次公文集爲二十卷列之于左庶乎好事者傳寫諷誦以垂乎無窮亦何必藏名山而納石室也真卿昔觀光乎天府實荷公之獎擢見命爲序豈究端倪時則永泰元年仲秋之月至若世系閱閱乾坤正氣集

卷三十七

二

蓋存諸別傳此不復云

懷素上人草書歌序

開士懷素僧中之英氣槩通疏性靈豁暢精心草聖積有歲時江嶺之間其名大著故吏部尚書韋公陟觀其筆力勗以有成今禮部侍郎張公謂賞其不羈引共遊處兼好事者同作歌以贊之動盈卷軸夫草藁之作起於漢代杜慶崔瑗始以妙聞迨乎伯英尤擅其美義獻茲降虞陸相承口訣手授以至于吳郡張旭長史雖恣性顛逸超絕古今而楷法精詳特爲真正某早歲嘗接游居屢蒙激勸教以筆法資質劣弱又嬰物務不能懇習迄用無成追思一言何可復得忽見師作縱橫不羣迅疾駭人若還舊觀向使師得親承善誘亟掛規模則入室之賓舍子奚適嗟歎不足聊書以

冠諸篇首

送劉太沖序

劉太沖彭城之華望者也自開府垂明於宋室澤州考績於國朝道素相承世傳儒雅尙矣夫其果行修潔斯文彪蔚鄂不照乎移華龍驥驤乎雲路則公山正禮策高足於前沖與太真嗣家聲於後有日矣昔余作郡平原拒胡羯而請與從事掌銓吏部第甲乙而超升等夷爾來蹉跎猶屑卑位雖才不偶命而德其無鄰故沖之西遊斯有望矣江月弦魄秦淮頂潮君行句谿正及春水曷哉之子道在何居

送辛子序

醇白之士曰隴西辛冕銳業班漢顯門名家十五而志學克明五十而勵精益懋拳拳不失慕回也之服膺袞袞可聽同茂先之善說昔我高叔祖鄆州使君著決疑一十二卷問答稱爲大顏曾伯

乾坤正氣集

卷三十七

三

祖祕書監府君集註解成一十二帙名儒斟酌煩省摭摭英華勒成三十篇名之曰漢略夫其發凡舉例冕序言之已詳惜乎困於縑緇不獲繕寫遂使精義沈鬱闇然未彰吁足歎也二月初吉金陵氣暖抵淮上之諸侯所如必合及滁川之美景未至方歡羣子賦詩以寵之

顏魯公文集卷十三

唐顏真卿著

涇縣潘錫恩校

東方先生畫贊碑陰記

東方先生畫贊者晉散騎常侍夏侯湛之所作也湛字孝若父莊爲樂陵太守因來覲省遂作斯文贊云大夫諱朔字曼倩平原厭次人魏建安中分厭次爲樂陵郡又爲郡人焉厭次今移屬樂安郡東去祠廟六百里故厭次城今在平原郡安德縣東北二十二里廟西南一里先生形像今則捏素爲之并二細君侍焉郡嘗爲德州其贊開元八年刺史韓公思復刻于石碑真卿去歲拜此郡屬殿中侍御史平公列監察御史閻公寬李公史魚右金吾冑曹宋公睿咸以河北採訪使東平王判官巡按押至真卿候于境上而先生祠廟不遠道周亟與數公臬家兄淄川司馬曜卿長史前乾坤正氣集卷三十八

洛陽蕭晉用前醴泉尉李伯魚徵君左驍衛兵曹張璠遊尉韋宅相朝城主簿韋夏有司經正字畢耀族弟渾前參軍鄭悟初同茲謁拜退而遊于中唐則韓之刻石存焉僉歎其文字纖靡駁癯生金四十年間已不可識真卿於是勒諸他山之石蓋取其字大可久不復課其工拙故援翰而不辭焉至若先生事跡則載在太史公書漢書風俗通武帝內傳十洲記列仙神仙高士傳此不復紀焉有唐天寶十二載季冬辛卯朔建

鮮于氏離堆記

聞州之東百餘里有縣曰新政新政之南數千步有山曰離堆斗入嘉陵江直上數百尺形勝縮盡峻峭巖巖上崢嶸而下迴泱不與衆山相連屬是之謂離堆東面有石堂焉卽故京兆尹鮮于君之所開鑿也堂有室廣輪表丈蕭豁洞敞虛聞江聲徹見人羣象

人村川坻若指諸掌堂北磬石之上有九曲流杯池焉懸源螭首
蹙噴鶴味醲渠股引迥坐環澗若有良朋以傾醇酎堂南有茅齋
焉遊于斯息於斯聚賓友於斯虛而來者實而歸其齋壁間有詩
焉皆君舅著作郎嚴從君甥殿中侍御史嚴銑之等美君考槃之
所作也其右有小石廬焉亦可蔭而踈據矣其松竹桂椿冬青雜
樹皆徙他山而栽蒔焉其上方有男宮觀焉署之曰景福君弟京
兆尹叔明至德一年十月嘗任尚書司勳員外郎之所奉置也君
諱向字仲通以字行漁陽人卓爾堅枝毅然抗直易有之曰篤實
輝光書不云乎沈潛剛克君自高曾以降世以財雄招徠賢豪施
舍不倦至君繼緒其流益光弱冠以任俠自喜尙未知名乃慷慨
發憤於焉卜築養蒙學文忘寢與食不四三載展也大成著作奇
之勗以賓薦無何以進士高第驟登臺省天寶九載以益州大都

乾坤正氣集

卷三十八

二

督府長史兼御史中丞持節劍南節度副大使知節度事劍南山
南西道採訪處置使入爲司農少卿遂作京兆尹以忤楊國忠貶
邵陽郡司馬十有二載秋八月除漢陽郡太守冬十有一月終於
所任官舍悲夫雄圖未伸志業已空葬于縣北表附先塋禮也君
之薨也冢子光祿寺丞昱匍匐迎喪星言泣血自汚泝峽湍險萬
重肩槁足跼扳笞引軸凡今幾年職塚在目固心則至豈無僮僕
臬昱之季曰尙書都官員外郎昺克篤前烈永言孝思懇曰立志
反葬于茲行道之人孰不跂而眞卿猶子曰紘從父兄故偃師丞
春卿之子也嘗尉閩中君故舊不遺與之有忘年之契叔明昱昺
亦篤世親之歡眞卿因之又忝憲司之寮亟與濟南蹇昂奉以周
旋益著通家之好君兄允南以司膳司封二郎中弟允臧以三院
御史皆與叔明首末聯事我是用飽君之故乾元改號上元之歲

秋八月哉生魄猥自刑部侍郎以言事忤旨聖恩全宥貶貳子遼州沿嘉陵而路出新政適會昱以成都兵曹取急歸覲遭我乎貴州之朝雷遊締歡信宿徑覘感今懷昔遂援翰而志之叔明時刺商州昃又申掾京兆不同躋陟有恨如何帝唐龍集後壬寅仲夏已卯朔十五日甲午刻于門序之左右

撫州寶應寺律藏院戒壇記

如來以身口意三業難調伏也淨尸羅以息其內行住坐臥四威儀攝善心也明布薩以昭其外故曰波羅提木叉是汝之師則憍陳如之善來迦葉波之尚法諸聲聞三歸約衆十四年以八敬度尼羯磨相承其致一也至漢靈帝建寧元年有北天竺五柔門支法領等始於長安譯出四分戒本兼羯磨與大僧受戒至曹魏有天竺十尼自遠而來爲尼受具後秦姚萇宏始十一年有梵僧佛乾坤正氣集卷三十八

三

陀邪舍譯出四分律本而關內先行僧祇江南盛行十誦至魏法聰律師始闡四分之宗聰傳道覆傳惠光光傳雲暉願願傳理隱樂洪雲雲傳遵遵傳智智首傳道宣宣傳洪洪傳法勵勵傳滿意意傳法成成傳大亮道賓亮亮傳雲一賓岸超惠澄澄傳慧欽此皆口相授受臻于壹與欽俗姓徐洪州建昌人蓋漢孺子之後也二十二尋師于臨川楮山後五歲削髮于高安龍崗寺遂受戒有唐義淨則譯經上足曰洪州靈傑其秉宣羯磨者曰兩京清滌使法舊集與文粹同石本作兩京清滌使法下文斷缺當考慧欽智度冲深神用高爽行無權實身絕開遮闡律藏而日月光明騁辯才而龍象蹴蹈江嶺之外凜然風生開元末北遊京充福先大德常誦大涅槃經而講之兼明俱舍論維摩金剛經每登講座其下日有二三千人由是名

動輦轂屬祿山作亂杖錫南歸居于西山洪井雙嶺之間慕高僧

觀顯之遺蹤於寺北砌置蘭若山泉之美頗極幽絕欽雖堅持律儀而志在宏濟好讀周易左傳下筆成章著律儀輔演十卷嘗撰本州龍興寺戒壇碑頗見稱於作者三年真卿忝刺撫州東南四里有宋侍中臨川內史謝靈運翻大涅槃經古臺階扇儼然軒構摧圮有高行頭陀僧智清者首事修葺安居住持明年秋七月真卿績秩將滿有觀察使尚書御史大夫趙國魏公願以我皇帝降誕之辰奏爲寶應寺乃請山林高行僧三七人冬十月二十三日聖恩允許於是鼎新輪奐其興也勃焉仍請止觀大師法源法泉襄陽乘覺清源善宏羅浮圓覺佛跡十喻餘杭慧達泉當州海通海岸等同住董修以資景福僉以爲學徒雖增毗尼未立明年三月乃請欽登壇而董振鐸焉仍俾龍崗道幹天台法裔招提智融白馬法允衡岳正覺同德義盈香城藏選龍興藏志開元明徹等

乾坤正氣集

卷三十八

四

同秉法事於是遠近駿奔道場側塞聖像放光而龍王不雨者四旬僧尼等三百五十七人而文士正議大夫前衛尉少卿張延臯脫俗歸真其名曰瓌綱爲稱首焉又欽比年已來爲受具者凡一萬餘人江嶺湖海之間幅員千餘里像法於變此皆欽教道之力焉臨川在嶺隅未嘗宏律於是二衆三百餘人請法裔敷演而依止之後有上都資聖寺高德曰還本祥主偉茲能辨深嗟歎而贊美之請於寺東南置普通無礙禪院院內立鎮海觀音道場請善宏居之以開悟心要雲一上足曰智融精持本事如會尊衆乃命智光等於普通道場東置律藏院勅立戒壇以佇欽公之來儀且施肇紀之不朽經營未幾壇殿鬱興庶乎渡海浮囊分毫絕羅刹之請嚴身瓔珞照耀有摩尼之光則入佛位而披伽黎者名香普薰神足無極其可勝紀而蕪絕乎有唐大歷辛亥歲春三月行撫

州刺史魯郡開國公顏真卿書而誌之

撫州南城縣麻姑山仙壇記

麻姑者葛稚川神仙傳云王遠字方平欲東之括蒼山過吳蔡經家教其尸解如蛇蟬也經去十餘年忽還語家人言七月七日王君當來過到期日方平乘羽車駕五龍各異色旌旗導從威儀赫奕如大將也既至坐須臾引見經父兄因遣人與麻姑相聞亦莫知麻姑是何神也言王方平敬報久不行民間今來在此想麻姑能躉來有頃信還但聞其語不見所使人曰麻姑再拜不見忽已五百餘年尊卑有序修敬無階思念久煩信承在彼登山顛倒而先被記當按行蓬萊今便躉往如是便還還卽親觀願不卽去如此兩時間麻姑來來時不先聞人馬聲既至從官當半於方平也麻姑至蔡經亦舉家見之是好女子年十八九許頂中作髻餘髮

乾坤正氣集

卷三十八

五

垂之至要其衣有文章而非錦綺光彩耀日不可名字皆世所無有也得見方平方平爲起立坐定各進行尉金盤玉杯無限美膳多是諸華而香氣達於內外辨麟脯行之麻姑自言接待以來見東海三爲桑田向間蓬萊水乃淺於往者會時略半也豈將復還爲陸陵乎方平笑曰聖人皆言海中行復揚塵也麻姑欲見蔡經母及婦經弟婦新產數十日麻姑望見之已知曰噫且止勿前卽求少許米便以擲之墮地卽成丹砂方平笑曰姑故年少吾了不喜復作此曹狡獪變化也麻姑手似鳥爪蔡經心中念言背癢時得此爪以杷背乃佳也方平已知經心中念言卽使人牽經鞭之曰麻姑者神人汝何忽謂其爪可以杷背邪見鞭著經背亦不見有人持鞭者方平告經曰吾鞭不可妄得也大歷三年真卿刺撫州按圖經南城縣有麻姑山頂有古壇相傳云麻姑於此得道壇

東南有池中有紅蓮近忽變碧今又白矣池北下壇傍有杉松松皆偃蓋時聞步虛鐘磬之音東南有瀑布淙下三百餘尺東北有石崇觀高石中猶有螺蚌殼或以爲桑田所變西北有麻源謝靈運詩題入華子崗是麻源第三谷恐其處也源口有神祈雨輒應開元中道士鄧紫陽於此習道蒙召入大同殿修功德廿七年忽見虎駕龍車二人執節於庭中顧謂其友竹務猷曰此迎我也可爲吾奏願欲歸葬本山仍請立廟於壇側元宗從之天寶五載投龍於瀑布石池中有黃龍見元宗感焉乃命增修仙宇真儀侍從雲鶴之類於戲白麻姑發迹於茲嶺南真遺壇於龜原花姑表異於井山今女道士黎瓊仙年八十而容色益少僧妙行夢瓊仙而食花絕粒紫陽姪男曰德誠繼修香火弟子譚仙巖法錄尊嚴而史元洞左通元鄒鬱垂皆清虛服道非夫地氣殊異江山炳靈則乾坤正氣集

卷三十八

六

曷由纂懿流光若斯之盛者矣真卿幸承餘烈敢刻金石而志之時則六年夏四月也

梁吳興太守柳惲西亭記

湖州烏程縣南水亭卽梁吳興太守柳惲之西亭也繚以遠峯浮於清流包括氣象之妙實資遊宴之美觀夫構宏材披廣榭豁達其外睽罍其中雲軒水閣當亭無暑信爲仁智之所創制原乎其始則柳吳興惲西亭之舊所焉世增崇之不易其地按吳均入東記云惲爲郡起西亭毗山二亭悉有詩今處士陸羽圖記云西京城西南二里烏程縣南六十步跨苕溪爲之昔柳惲文暢再典吳興以天監十六年正月所起以其在吳興郡里西故名焉文暢嘗與郡主簿吳均同賦西亭五韻之作由是此亭勝事彌著間歲頗爲州僚據而有之日月滋深室宇將壞而文人嘉客不得極情于

茲憤憤悻悻者久矣邑宰李清請而修之以據衆君子之意役不煩費財有羨餘人莫之知而斯美具也清皇家子名公之允忠肅明懿以將其身清簡仁惠以成其政絃歌二歲而流庸復者六百餘室廢田墾者三百頃浮客臻奏迨乎二千種桑畜養盈於數萬官路有刻石之埃吏廚有滄錢之資敦本經久率皆如是略舉數者其餘可知矣豈必夜魚春躍而後見稱哉於戲以清之地高且才而勵精於政事何患雲霄之不致乎清之筮仕也兩參雋乂之列再移仙尉之任毗贊於蜀邑子男於吳興多爲廉使盛府之所辟薦則知學詩之訓間緝之心施之於政不得不然也縣稱緊舊矣今詔升爲望清當受代而邑人已軫去思之悲白府願畱者屢矣真卿重違耆老之請啟於十連優詔以旌清之美也某不佞忝當分憂共理之寄人安俗阜固有所歸雖無魯臣掣肘之患豈盡

乾坤正氣集

卷三十八

七

子言用力之術由此論之則水亭之功乃餘力也夫知邑莫若州知宰莫若守知而不言無乃過乎今此記述以備其事懼不宣美豈徒媿詞而已哉大歷一紀之首夏也

吳興沈氏述祖德記

南齊徵士吳興沈君名麟士郡人也蘊道德晦于邑之餘不谿家貧無資以織簾爲業故時人號爲織簾先生精於禮傳嘗自詁訓宗人吏部郎中淵中書郎約累薦徵爲著作郎高臥不起名重江表臨終遺教依皇甫元冥棺中貯孝經一卷穿墳三尺置棺平土不設机位四時地席元酒而奠子彝奉而行之吳郡陸惠曉張融皆爲之誄徵士嘗製述祖德碑立於金鵝山之先塋年月淹遠風雨蠹蝕朽字殘文翳而莫分乾元中爲盜火所焚碑首毀裂嶽然將墮過江二十葉孫御史中丞震移牒郡國請其封葺或屬兵凶

曠而莫修忽有小樹生於龜腹盤根抱趾聳幹夾碑巖如工造鬱若神化歆者復正危而再堅夫德無名遇賢而鍾慶神無質假物以申應沈氏積善既遠徵士植德既深天將興舊族乎吾知沈之復大也權檢校宗事十九葉孫前太廟齋郎怡拜泣松檟增修舊塋感先碑之隕覆懼遺文之殘闕乃具他石傳而貳焉崇其本所以尊先也建其新所以嗣德也以真卿江南婚姻之舊中外伯仲之穆謬忝拜刺見託斯文刊諸碑陰以傳無朽因改其樹爲慶樹以旌其美焉沈氏之故事具於家牒今闕而不紀時有唐大曆八年冬十二月

乞御書題額恩勅批答碑陰記

肅宗皇帝恩許既有斯答御札垂下而真卿以疎拙蒙譴粵若來八月既望貶授蓬州長史臬今上卽位寶應元年夏五月拜利州

乾坤正氣集

卷三十一

八

刺史屬羌賊圍城不得入恩勅追赴上都爲今尙書前相國彭城公劉公晏所讓授尙書戶部侍郎二年春三月改吏部廣德元年秋八月拜江陵尹兼御史大夫充荆南節度觀察處置等使未行受代轉尙書右丞明年春正月檢校刑部尙書兼御史大夫充朔方行營汾晉等六州宣慰使以招諭太師中書令僕固懷恩不行遂知府事永泰二年春二月貶峽州別駕旬餘移貶吉州大曆三年夏五月蒙除撫州刺史六年閏三月代到秋八月至上元爾來十有六年困於疎愚累蒙竄謫其所採碑石迄今委諸巖麓之際未遑崇樹七年秋九月歸自東京起家蒙除湖州刺史來年春正月至任州東有茗雪兩谿谿左有放生池焉卽我寶應元聖文武皇帝所置也州西有白鶴山山多樂石於是採而斲之命吏幹磨龔之家僮鐫刻之建于州之駱駝橋東蓋以抒臣下追遠之誠昭

先帝生成之德額既未立追思莫逮客或請先帝所賜勅書批答答中諸事以緝而勒之真卿從焉勒願斯畢瞻慕不足遂志諸碑陰庶乎乾象昭回與宇宙而終始天文煥發將日月而齊暉時則有唐大歷九年青龍甲寅之歲孟秋甲子之日也

吳興地記

烏程縣

舊縣一在望鄉四十里二百東去州口口口口南去杭州

三百一十七里北去東都二千八百七十五里北去上都三千七百七十六里

帝顓頊塚

吳大帝陵

吳景帝陵

鈕皇后陵

吳丹陽太守蕪湖侯太史慈墓

乾坤正氣集

卷三十八

九

吳大將軍朱冶墓

吳盪寇將軍程普墓

晉侍中羅含墓

晉黃門侍郎潘尼墓

齊宣城太守丘靈鞠墓

梁中書侍郎丘遲墓

梁司空康絢續墓

陳五兵尚書唐宗墓

長城縣

大雷山

芳巖

震澤

若谿

吳王夫槩廟

陳景帝陵

陳錢皇后陵

陳昭烈王陵

謝安墓

殷仲文墓

陳武帝故宅

陳文帝故宅

吳均故宅

陳氏五主屏風

陳高祖竹帳

乾坤正氣集

卷三十八

國朝高僧南山律主道宣

安吉縣

天目山

崑山

橫谿

梅谿

蛟龍谿

翔鳳林

裴子野故宅

周宏讓故宅

姚萇雉尾扇

施世英金鍾

山川

卞山

法華寺

金井玉澗

乳竇石膏溫泉

項王走馬埭

項王飲馬池

項王繫馬石

衡山

帝顓頊塚

春秋鳩茲城

峴山

乾坤正氣集

卷三十八

顯亭故別駕李適之石酒樽五花亭

十一

杼山

妙喜寺黃浦橋

避它城

何楷釣臺

升山

吳均入東記

晉吳興太守王羲之烏亭

金蓋山

何氏書堂

張邵丘道祚禪幽寺

太湖
周迴四萬八千頃

雪谿

白蘋洲

乾坤正氣集

卷三十八

十三



顏魯公文集卷十三

涇縣潘錫恩校

顏魯公文集卷十四

唐顏真卿著

宋州官吏八關齋會報德記

敘石幢事開

涇縣潘錫恩校

夫德之所感淪骨髓而非深誠之所至去神明而何遠有唐大歷壬子歲宋州八關齋會者此都人士臬文武將吏朝散大夫使持節宋州諸軍事行宋州刺史兼侍御史本州團練守捉使賜紫金魚袋徐向等奉爲河南節度觀察使開府儀同三司太子太師左右僕射知省事兼御史大夫汴州刺史上柱國信都郡王田公頊疾良已之所建也公名神功冀州南宮人稟元和之粹靈膺期運以傑出含宏厚下正直率先起孝而德感生人竭忠而精貫白日和衆必資於寬簡安人務在於撫柔况乎武藝絕倫英謀沈祕所向而前無強敵日新而學有緝熙故能殿天子之邦鬱蒼生之望

乾坤正氣集

卷三十九

有日矣羯戎構逆公以平盧節將佐今右僕射李公忠臣收滄德攻相州拒杏園守陳畱許叔冀降而陷焉思明懼忠臣圖已令公佐南德信隨劉從諫收江淮至宋州欲襲李銑公斬德信走從諫遂并其衆而報焉肅宗大悅拜公鴻臚卿再襲敬釭於鄆州加中丞討劉展于潤州斬平之遷徐州刺史明年拜淄青節度使屬侯希逸自平盧至公以州讓之時宋州刺史李岑爲賊所圍副元帥李光弼請公討平之拜御史大夫加開府充兗鄆節度破法子營又討敬釭歸順焉史朝義聞之奔下博投范陽自縊死廣德元年授戶部尚書封信都郡王上幸陝公首末扈從都知六軍兵馬每食宿公皆躬自省視上感焉方委以政事公涕泣固辭而止二年拜汴宋節度遷兵部大歷二年加右僕射封母清河張氏爲趙國夫人妻信安郡王禕女爲涼國夫人太夫人慈和勤儉睦于親

黨公性純孝居常不離左右閱讀書史或時疾病公輒累月不茹葷家中禮懺不絕仍造崇夏宏聖二寺以祈福祐五年兼判左僕射知省事加太子太師公德厚量深勞謙重慎功既高而心益下位彌大而體益恭故遠無不懷邇無不肅今夏四月忽嬰熱疾沈頓累旬積善降祥勿藥適喜鷹犬之翫悉皆弃捨羣帥感焉無復弋獵四履之內咸懷歡欣睢陽之人踊躍尤甚乃咨于州將曰昔我公之陷賊也至敝邑而首誅德信李岑之見圍也破其黨而克保城池是卽我公再有大造于敝邑矣徵我公之救恤則皆死於鋒鏑入於煎熬矣尙何能保完家室嬉戲鄉井者乎不資齋明何以報德徐公悅而從之來五月八日首以俸錢三十萬設八關大會飯千僧于開元伽藍將佐爭承唯恐居後已而州縣官吏長史苗藏實等設一千五百人爲一會鎮邊團練官健副使孫琳等設

乾坤正氣集

卷三十九

二

五百人爲一會耆壽百姓張烈等設五千人爲一會法筵等供仄塞於郊坰贊唄香花喧填於晝夜其餘鄉村聚落來往舟車聞風而靡督自勤聳惠而沐先胥慙者又不可勝數矣非夫美政淳深德風汪濊則何以感人若此其至者乎某叨接好仁飽承餘烈觀茲盛美益覩求蒙若不垂諸將來則記事者奚述

敘石幢事

宋州刺史崔倬

會昌中有詔大除佛寺凡鑿塑繪刻堂閣殿宇關於佛禪者焚滅銷破一無遺餘遣御史覆視之州縣震畏至於碑幢銘鏤贊述之類亦皆毀折瘞藏之此州開元寺先有太師魯郡顏公以郡守僚吏州人等爲連帥田氏八關齋會鐫記大幢立石袤丈而圍再幾尋程材巨異八觚如砥偉詞逸翰龍躍鸞翔時刺史邑宰以其大不可折遂鑿缺斂以仆之蓋三面僅存委埋于

土倬大中已巳歲守郡明年嘗暇日訪求前賢事蹟郡從事涂君因言有魯公石幢索而得之境壤之下癥瘕壞失文義乖絕尋譯研究不可復知意其邑居之中必有藏錄其文者果於前刺史唐氏之家得其模石本末完備炳然輝耀溢目倬自幼學慕習魯公書法纔不能窺涉其門宇然惜其高蹤堙沒遂命攻治其傷殘補續其次第雖真鷹懸越貂狗相屬且復瞻仰魯公遺文昭示於後矣大中五年正月一日敘

通議大夫守太子賓客東都副畱守雲騎尉贈尙書左僕射博陵崔孝公宅陋室銘記

公諱沔字若冲博陵安平人其先出于齊太公之後自亭伯三世文宗祕書監六口派別叔軌季則俱死王事神謙神通並高循績子彭宏度以武幹稱景雋巨倫以文行著繼方面者累代列史傳

乾坤正氣集

卷三十九

三

者十八奕葉相仍恆爲鼎族曾祖宏峻隋銀青光祿大夫趙王長史祖儼皇朝益州雜縣令父皚年未四十爲庫部員外郎因擇能吏爲壽安令又充江西道廉察使徙醴泉遂歷四邑盤桓不進以剛正也累至朝散大夫汝州長史封安平縣男贈衛尉少卿公卽安平之次子也全德天至成人玉立蓋聖代之寶臣華宗之孝子文章之哲匠禮樂之祖師旣不可以一名又何能以悉數年二十四舉鄉貢進士考功郎李迥秀器異之曰王佐才也遂擢高第其年舉賢良方正對策萬數公獨居第一而兄渾亦在甲科典試官梁載言陳子昂歎曰雖公孫鼂邠不及也召見前殿拜麟臺校書郎繇是名蓋天下御史張思敬以德行薦久之以資授陸渾主簿平陽王敬暉宏度外之交略上官之禮丁府君憂服除太夫人勉起之以所試超邁擢拜左補闕遷殿中侍御史奉敕按竊金者公

得其情許之不死竟得減論諸王或恃貴不遵法度舉而按之其
不吐茹也如此尋遷起居舍人當扈從以親老抗疏乞退薦瑯琊
王正太原郭濟渤海封希顏等自代睿宗嘉之特許畱司以遂其
孝養遷祠部員外郎倅僧有請度人者公拒不奉詔遷給事中大
理卿韓思復用法小差權臣致劾公特寬之遷中書舍人省改紫
薇其官仍舊又固辭以親老除虞部郎中開元初攝御史中丞或
訟吏曹之不公與崔泰之銜命詳理多所收拔俄而卽真兼都
畿按察使歲或不稔公請發粟賑貸之賴全活者以萬數內謁者
霍元忠有罪公執之以聞元宗使以璽書勞之公之澄清中外也
以畿縣令長陸景融劉體微盧暉有異政丞尉朱遙皇甫翼陳希
烈宋鼎蕭隱之范冬芬楊慎餘劉日正高昌寓州掾李瑱裴曠等
竝以清白吏能而薦之二十二年置十道採訪使公所舉六人在
乾坤正氣集

卷三十九

四

焉執事子有不法者公舉之不回移著作郎尋遷祕書少監修圖
書使尋判大理卿禮部侍郎公旣職司典禮乃刪寫疏論數百卷
以備闕遺特加朝散大夫遷左庶子丁太夫人憂徵拜中書侍郎
出爲魏州刺史乃肇移元城徙置新市吏人便之乙丑歲元宗東
封知頓使奏課第一賜絹二百疋嶽下觀禮獻慶雲頌又賜絹一
百疋明年入朝分掌十銓公與王正爲選人所歌曰汚人澄明澈
底清正山介直連天峻時人躋之還州以理有異績御史大夫崔
隱甫中丞宇文融朝服表薦璽書寵慰無何徵拜左散騎常侍上
以六宮親蠶絲賜近臣公獻御絲賦又侍讌別殿賦端午詩屢蒙
錫以練帛綵羅兼判國子祭酒俄充東都副畱守十七年有事陵
廟追贈安平公及太君曰安平夫人乃駕還罷畱守二十年春奉
敕撰龍門公宴詩序賜絹百疋延入集賢院修老子道德經疏行

於天下二十一年遷祕書監修撰如故屬耕藉田爲居守賜絹百疋遷太子賓客出兼懷州刺史二十四年罷州又以本官充東都副留守累加通議大夫二十七年冬十一月十七日寢疾薨于位春秋六十有七元宗震悼贈禮部尚書葬日量借手力幔幙故吏前監察御史博陵崔頌爲公行狀云公德充符契精貫人極孝愛聞於天下制作垂於無窮執太夫人之喪徒跣吐血以身爲糞土况乎含宏內恕夷坦外名德至矣乎今之達者若以富貴崇德行藏養高則老萊闕於榮親黔婁褊於謀道又加於古人矣故養則致其樂喪則過乎哀以兄姊之感亞其親甥姪之慈甚其子至於藥石備物温清異宜手舐杵臼之間身辱澣濯之伍汲汲然矣每至宗廟心齋嚴恭祀事明發不寐翌日餘悲故聲氣感人者深儀形化人者遠躬踐五德退讓於恭儉温良行張四維加信於仁義

乾坤正氣集

卷三十九

五

禮智而老驥伏櫪以鮑駘不忘白鳩巢檐以家瑞終黔則非殊倫絕輩擬議乎萬一矣太常博士裴愬議曰公醇一誕靈文明含粹蹈元和以爲天性籍間氣以爲人師前後歷官或拜而不至或至而不畱瘠形替目誓遵孝養可不謂孝乎遂諡曰孝公凡所著文集二十九卷并嗣子祐甫論次先志一卷爲三十卷吏部員外郎趙邵李華爲集序云公之待親也孝達乎神祇居憂也哀貫乎天地喪其有數而茹毒終身親交鄰里飢者待公而炊寒者待公而裘蒸嘗之奠待公而具故祿廩雖厚而未嘗足也傳祖禰之美合於禮經見公文章知行事則人倫之序理亂之源備矣祐甫純行而文直清而和希公門者謂公存焉亡賢數載如此初太夫人患目公傾家求醫或曰療之必愈恐壽不得延太夫人及公悲恨而罷自是竭力奉養不脫冠帶者僅三十年每至良辰美景勝引佳

遊必扶侍左右笑言陳說親朋往來莫知太夫人之有苦也公年
官雖高至於食果蔬菜與子姪躬自植藝澆灌以申馨潔晨終喪
雖見孩穉者必設位束帶盡哀以禮之公與江夏李邕友善爲校
書郎時引邕館於祕閣之下讀書者累年邕由是才名益盛邕與
尚書席建侯嘗過公怪乘馬羸羸曰何不於廳前自觀餼飼忽然
致殞何以更之公唯而不易他日二公又以爲言公良久則曰每
欲發言恐涉有疑於廝養者所以沈吟自媿二公退而謂人曰每
想崔公此言使人慙慙如醉延和太極之間公既畱司東都遂鬻
所乘馬就故人監察御史張汝子深河南府崇政坊買宅以製居
建宗廟於西南維先太夫人安平郡夫人堂在宅之中儉而不陋
淨而不華六十餘年檉棟如故堂東媪盧夫人所居堂之東北鄭
氏李氏姊歸寧所居堂之北五步之外建瓦堂三間以居之雜用

乾坤正氣集

卷二十九

六

舊椽不崇壇無楮堊累歷清要所得祿秩但奉蒸嘗資媪妹給孤
幼營甥姪婚姻而已朝衣服馬一皆取其下者唯祭器祭服稱禮
焉其室竟不修泉夫人太原郡太夫人王氏捐牀帳之後公徙居
他室或在賓館而無常所爲常侍時著陋室銘以自廣天寶末子
孫灑埽貯書籍劔履而已逆胡甫陷洛陽屋遂崩圯唯簷下廢井
存焉長子成甫倜儻有才名進士校書郎早卒祐甫能荷先業以
進士高第累登臺省至吏部郎中充永平軍節度使尙書李公勉
行軍司馬兼侍御史中丞承懷先德明發不寐恐茂烈湮淪罔垂
後裔乃刻陋室銘於井北遺址之前以抒所志某夙仰名教實欽
孝公之盛德晚聯臺閣竊慕中丞之象賢又能好我不遺見託論
譔採風猷而莫窮萬一涉泉海而豈究津涯操筆強名退增慙
時卽大歷十一年青龍景辰孟夏之月也

撫州寶應寺翻經臺記

撫州城東南四里有翻經臺宋康樂侯謝公元嘉年初於此翻譯
涅槃經因以爲號公諱靈運陳郡陽夏人也祖元晉車騎將軍父
瑛祕書郎公幼穎悟好學博覽羣書文章之美江左莫逮以龔祖
膺世人宗之盛稱謝康樂初爲劉毅衛軍從事中郎太子左率出
爲永嘉太守郡有名山水公素愛好肆意遨遊稱疾去職於始寧
縣修營故墅傍山帶江盡幽居之美因著山居賦并自註之與隱
士王宏之等遊放爲娛有終焉之志每一詩至都邑莫不競寫宿
昔之間士庶皆遍徵爲祕書監再召不赴太祖使范泰與書敦獎
之乃出就職尋遷侍中日夕引見賞遇甚厚多疾不朝賜假東歸
免官與從弟惠連東海何長瑜潁川荀道雍泰山羊璿之以文章
賞會時人謂之四友尋山登賞常著木屐上則去其前齒下則去

乾正氣集

卷三十九

七

其後齒會稽太守孟顓事佛精懇公謂之曰得道應須慧業文人
生天應在靈運前成佛必在靈運後顓深恨此言後遂表公有異
志公馳出自陳太祖知見誣除臨川內史公以曇無讖所翻大涅
槃經語少作朴質不甚流靡品數疎簡初學者難以措懷乃與沙
門范惠嚴顧慧觀依舊泥洹經共爲潤色勒成三十六卷義理昭
暢質文相宣歷代寶之盛行於天下其餘感神徵應具如高僧傳
所說邈乎階扃不改棟宇具無真卿叨刺是邦茲用愾息有高行
頭陀僧智清緒發洪誓精心住持請以佛跡寺僧什喻仙臺觀道
士譚仙岳同力增修指期恢復自是法堂之遺構克崇先達之高
躋不狃百里而遙四山不逼三休而上十地方超經行之業旣崇
斗藪之功斯赫大歷己酉歲四月丙午都人士庶相與大會設嚴
供而落焉以真卿業于斯文見吞紀述後之君子其忘增修乎銘

曰 摩訶般若解脫法身是則涅槃衆經中尊曇無摩訶允嚴觀是因實賴同德宏茲法輪謝公發揮精義入神理絕史野文兼韻彬一垂刊削百代咸遵遺跡忽睹高臺嶙峋載悲祖謝曷踐音塵眞卿愀然憫故孰新檀那衣鉢悉力經綸不日復之周邦仰仁緬懷敦慕予亦何人徒願神交愧非德鄰刻銘金石永永不泯

張長史十二意筆法意記

予罷秩醴泉特詣京洛訪金吾長史張公旭請師筆法長史于時在裴儼宅憇止有羣衆師張公求筆法或有得者皆曰神妙僕頃在長安二年師事張公皆大笑而已卽對以草書或三紙五紙皆乘興而散不復有得其言者僕自再於洛下相見眷然不替僕因問裴儼足下師張長史有何所得曰但書得絹屏素數十軸亦嘗論諸筆法唯言倍加功學臨寫書法當自悟耳僕自停裴家月餘日

乾坤正氣集 卷三十九

八

因與裴儼從長史言語散卻迴京師前請曰旣承兄丈獎諭日月滋深夙夜工勤溺於翰墨儻得聞筆法要訣終爲師學以冀至於能妙豈任感戴之誠也長史良久不言乃左右眄視拂然而起僕乃從行歸東竹林院小堂張公乃當堂踞牀而坐命僕居於小榻而曰筆法元微難妄傳授非志士高人詎可與言要妙也書之求能且攻眞草今以授之可須思妙乃曰夫平謂橫子知之乎僕思以對之曰常聞長史示令每爲一平畫皆須令縱橫有象此豈非其謂乎長史乃笑曰然而又問曰直謂縱子知之乎曰豈不謂直者從不令邪曲之謂乎曰均謂間子知之乎曰嘗蒙示以間不容光之謂乎曰密謂際子知之乎曰豈不謂築鋒下筆皆令宛成不令其疎之謂乎曰鋒爲未子知之乎曰豈不謂以未成畫使其鋒健之謂乎曰力謂骨體子知之乎曰豈不謂懸筆則點畫皆有筋

骨字體自然雄媚之謂乎曰轉輕謂屈折子知之乎曰豈不謂鈎
筆轉角折鋒輕過亦謂轉角爲闕闊過之謂乎曰決謂牽製子知
之乎曰豈不謂爲牽爲製決意挫鋒使不怯滯令險峻而成以謂
之決乎曰補謂之不足子知之乎曰豈不謂結點畫或有失趣者
則以別點畫旁救之謂乎曰損謂有餘子知之乎曰豈不謂趣長
筆短常使意勢有餘點畫若不足之謂乎曰巧謂布置子知之乎
曰豈不謂欲書先預想字形布置令其平穩或意外字體令其異
勢是謂之巧乎曰稱謂大小子知之乎曰豈不謂大字蹙之令小
小字展之爲大令茂密所以爲稱乎長史曰子言頗皆近之矣
夫書道之妙煥乎其有旨焉字外之奇言所不能盡世之書者宗
二王元常逸跡曾不睥睨筆法之妙遂爾雷同獻之謂之古肥旭
謂之今瘦古今既殊肥瘦頗反如自省覽有異衆說芝鍾巧趣精
乾坤正氣集

卷三十九

九

細殆同始曰機神肥瘦古今豈易致意真跡雖少可得而推逸少
至於學鍾勢巧形容及其獨運意疎字緩譬猶楚音習夏不能無
楚過言不悞未爲篤論又子敬之不逮逸少猶逸少之不逮元常
學子敬者畫虎也學元常者畫龍也余雖不習久得其道不門之
言必慕之歎儻有巧思思盈半矣子其勉之工精勤悉自當妙矣
真卿前請曰幸蒙長史傳授筆法敢問工書之妙如何得齊於古
人張公曰妙在執筆令其圓轉勿使拘攣其次諸法須口傳手授
之訣勿使無度正所謂筆法也其次在於布置不慢不越巧使合
宜其次紙筆精佳其次諸變適懷縱捨規矩五者備矣然後齊於
古人矣敢問執筆之理可得聞長史曰子傳授筆法之老舅彥遠曰
吾聞昔日說書若學有工而跡不至後聞於褚河南曰用筆當須
如印泥畫沙思所以不悟後於江島遇見沙地平淨令人意悅欲

書乃偶以利鋒畫其勁險之狀明利媚好乃悟用筆如錐畫沙使其
藏鋒畫乃沈著當其用鋒常欲使其透過紙背此成功之極矣真
草用筆悉如畫沙則其道至矣是乃其迹可久自然齊古人矣但
思此理以專想工用故其點畫不得妄動子其書紳余遂銘謝再
拜逡巡而退自此得攻書之術于茲五年真草自知可成矣

鋒力轉決補損
巧稱爲十二意

均平直
密

乾坤正氣集

卷三十九

十

09972

